

Nunatsinni innuttaasut Danmarkimut nuuttarnerat sunik patsiseqarnersoq misissorlugu Naalakkersuisut nalunaarusiorlutik peqquneqarnissaat pillugu Inatsisartut aalajangiiffigisassaattut siunnersuut.

(Inatsisartunut ilaasortaq Aqqalu C. Jerimiassen, Atassut)

Akissuteqaat

(Isumaginninnermut, Ilaqutariinnut, Suliffeqarnermut Nunamullu Namminermit Naalakkersuisoq)

Siullermeerinnineq

Inatsisartunut ilaasortamit Aqqalu C. Jerimiassenimit, Atassut, Inatsisartut aalajangiiffigisassaattut siunnersuummik matuminnga saqqummiussineranut Naalakkersuisut qujassuteqarput.

Qularnanngitsumik sammisaq tamanna pingaaruteqarpoq paasiniaanermik pisariaqartitsisoq, tamannalu aallartereerqarluni.

Misissuinissamut assingusumut aningaasaliissuteqartoqareerpoq, aalajangiiffigisassatut siunnersuummiit siunertaq aamma sammineqassalluni.

2023-mi qallunaat aningaasanut inatsisaanni Atlantikup Avannaanut aningaasaliissutiniit 3 mio. kr-it immikkoortinneqarput kalaallit Danmarkimi inuuniarnikkut atugaat pillugit misissuinermit atorneqartussat. Misissuinermit tamatumani siunertarineqarpoq Kalaallit Nunaanniit Danmarkimut nuuttarneq pillugu misissuinissaq ukkataqarnissarlu.

Misissuineq Nuna Tamakkerlugu Atugarissaarneq pillugu Ilisimatusarnermik Ingerlatsivimmit (VIVE-mit) 2024-mi 2025-milu ingerlanneqartussaavoq.

2015-imi VIVE misissuineq assingusoq taaguuserneqartoq “Grønlandere i Danmark” (Kalaallit Danmarkimi) ingerlanneqarpoq. Misissuineq nalunaarsuiffik aallaavigalugu ingerlanneqarpoq inuillu mianernarnerusutut inissimasut inuunerannik atugassarititaasut pillugit immikkut ittumik ukkataralugit suliassaqarfiit arlallit akimorlugit ingerlanneqarluni. Misissuinermit ilaatigut nassuiarneqarpoq kalaallinut Danmarkimi atugassarititat, kalaallinik eqimattanik toqqarneqartunik ukiuni tallimani atugassarititat ineriartornerannik naliliisoqarluni.

Tamanna isumaqarpoq, sammisaq taanna pingaaruteqartoq annertuumillu attuumassuteqartoq maannamut misissorneqaleruttortoq.

Tassunga tunngatillugu Aningaasaqarnermut Akileraartarnermullu Naalakkersuisoqarfiup iluani sammisamut tunngasumik suliaqartoqarpoq, taaguuserneqartoq “Innuttaasut sumi najugaqarnissaminut kissaataannik misissueqqissaarneq” 2024-mi kvartalip 3-anni naammassineqarnissaa naatsorsuutigineqarluni.

Qulaani allassimasut tunngavigalugit Naalackersuisut tatigivaat, aalajangiiffigisassatut siunnersuummi matumani akissutit eqqortut ujartorneqartut misissuinermi aningaasaliiffigineqareersumi nassuiarneqarumaartut.

Naalackersuisut qulaani allassimasut tunngavigalugit siunnersuut itigartitsissutigineqassasoq inassuteqaatigaat.